

第一二一冊

方輿彙編

職方典

揚州府部

徐州部

(卷)

卷一

卷一

古今圖書集成

中華書局影印

新學
PDG

欽定古今圖書集成方輿彙編職方典
第七百五十六卷目錄

揚州府部彙考四

揚州府城池考

揚州府關梁考一

職方典第七百五十六卷

揚州府部彙考四

揚州府城池考

本府江都縣附郭

府志

揚州府城池 自春秋吳王夫差城邗溝楚王
熊槐城廣陵始也其後漢吳晉俱爲廣陵自齊
梁迄陳爲南兖州隋復爲廣陵唐爲揚州亦名
邗州城皆無異周世宗命韓令坤築小城於揚
州周圍二千一百八十丈宋因之明初僉院張
德林鎮守揚州以兵後人稀因宋大城西南隅
改築僅周九里一千七百五十七丈五尺厚一
丈五尺高倍之設門五南曰安江北曰鎮淮西
曰通泗東曰寧海又曰大東東南曰小東各門
有甕城內有盤詰廳樓櫓雉堞警鋪敵臺相望
南北水門二引官河貫其中曰市河其新城經
始于嘉靖丙辰二月時以倭寇用副使何城舉
人楊守城之議也起舊城東南角樓至東北角
樓周十里計一千五百四十一丈九尺高厚與

舊城等城樓五設門七南曰挹江鈔關在焉又
南爲便門東南曰通濟東曰利津東北爲便門
北曰鎮淮又北曰拱辰關北亦爲便門南北即
舊城壕口爲二水門東南即運河爲壕北壕引
水注之是役也都御史陳儒御史吳百朋崔棟
同知府吳桂芳石茂華先後任其事何城有記
萬曆二十年知府吳秀浚西北壕堦以石堤增
城堦三尺二十五年知府郭光復甃石壕未竟
者四百餘丈增敵臺一十有六而郡城屹然足
恃焉崇禎十一年鹽法太監楊顯名駐揚因流
寇震鄰自柴河口起至寶帶河開浚壕溝十餘
里累土爲城糜費金錢數十萬今盡毀坍矣
瓜洲鎮城 在縣南四十五里爲瓜洲鎮城東
西跨壩周一千五百四十三丈九尺有奇高二
丈一尺廣半之城門四便門一瓜洲故無城宋
乾道間始築南北城後廢明嘉靖丙辰以倭寇
復築焉 按瓜洲江都屬
鎮也故附於後
外州縣
儀真縣城池 自宋乾德中陞迎鑾鎮爲建安
軍築城一千一百六十丈爲門者六東曰行春
西曰延豐今名望都南曰寧江今名澄江北曰
來遠今名拱辰又開濟川通閘二門周圍凡五
里三十步嘉定中郡守李道傳以真州當水陸
要衝商民繁會居城南者十倍城中乃建議請
築東西翼城會遷官未果其後守豐有俊築東
城袁中儒繼築西城至十三年運判兼守吳機
始盡築兩城牌睨樓櫓悉有法爲重壕千一百

餘丈寶慶中守上官渙西復改築浚河而兩翼
之形勢始備明洪武初知州營世寶同知戈文
德因宋翼城故址增築之凡九里二百四十六
步高二丈四尺上闊五尺五寸爲堦三千六百
二十有奇建城樓四成鋪四十有三是有爲今城
嘉靖三十五年知縣師儒每門甃甃二十七丈
有奇高與舊城準下開重門捍禦稱便
泰興縣城池 宋舊城殘於寇紹興間金兵逼
揚州知縣尤袤增築土城於外俄北兵至以有
城不得入明弘治間知縣原秉忠立四門東曰
寅賓西曰迎恩南曰南薰北曰拱極嘉靖十三
年知縣朱雋增建延薰門於濟川橋西復因土
城故址而經度之計一千二十丈三十四年倭
入寇巡撫都御史鄭曉奏城揚州屬邑知縣姚
邦材奉詔築城周延七里計一千三百五十三
丈高二丈五尺闊四門東曰鎮海西曰阜城南
曰澄江北仍曰拱極其小西門居民自具工費
請於鄧公報可名曰通濟門西水關在阜城門
南五城門外各建吊橋內通馬道外環城壕工
甫訖倭薄城下土人於城上射倭殺二人倭遂
遁去崔相張鶴俱有記四十年署縣事高郵州
同知奚世亮添建北水關四十五年知縣許希
孟添設五門內重門并建樓於北水關之上扁
曰應魁樓萬曆二十五年知縣陳繼增建敵
臺四十一座益浚城內外壕焉
高郵州城池 有新舊二城今之城即宋舊城
也周圍一十里三百一十六步高二丈五尺闊

一丈五尺四圍有壕塹地形四面下城基獨高狀如覆孟故名孟城開寶四年知軍事高凝祐始築紹興初韓世忠命郡守董敗營繕之乾道間郡守陳敏重修淳熙乙巳郡守范嗣蓋建樓於四門上東武寧門樓曰捍海西建義門樓曰通泗南望雲門樓曰藩江北制勝門樓曰屏淮又于南北開二水門通市河慶元丁巳郡守趙善義重修至開禧丁卯增以重壕嘉定甲戌作四面庫城元知府李齊因宋城復加重築明洪武丙午復甃以磚增設櫓堞砌城樓四座南北水關兩座城垣高鋪五十座歲久傾圮嘉靖丙辰倭警知州趙河補其卑缺後知州劉峻申請撫按州修其七衛修其三城益固

皇清順治十五年知州吳之浚葺治四城樓其新城

宋咸淳初揚州制置使畢侯築在舊城東北二

門外今土城基址尚存

興化縣城池 宋嘉定十八年知縣陳珍始築

周六里一百五十七步高二丈五尺爲土城城

樓四座高鋪二十有一水陸各四門元季張士

誠僞將劉傑據守後全城歸附明洪武五年千

戶郭德蔡德劉人傑以磚更建之正統年間千

戶許翀復修高一丈八尺內外環水爲壕其後

民壞內郭以廣宮室嘉靖十一年知縣李世傑

力主復之嘉靖十七年知縣傅佩作臺於北城

名曰拱極鑿玉帶河匯三門之水於海子池三

十六年城漸圯臺亦尋廢西北崇不逾丈壕塹

湮塞是年夏倭寇逼境知縣胡順華始至率衆

捍禦倭聞風遁去尋白當道較舊址加築一丈共高二丈八尺厚四尺女牆高二尺五寸凡一千八百六十牌觀如之高有三尺闊四門東曰啓元樓曰觀海西曰威武樓曰見山南曰文明樓曰迎薰縣志曰懷薰北曰肇魁樓曰拱辰即拱極故地仍建拱極臺後壕塹廣二丈五尺深一丈規制大備萬曆二十六年知縣翁汝進因倭警培土增厚并置四水關石關以防水患邑人利之已而居民益稠壕塹盡廢

皇清順治十二年知縣任登級繕修一新而人家夾

市河以居者多作樓于其上舟行其下如穿穴

焉重以兩岸積潤棄灰日增月益河水遂爲之

不流自甲子仲秋知縣張可五申詳開濬綿歷

三月事乃竣向時之水入三門而出西關者濬

迴逶迤漸復其舊而河流中斷之患遂除

寶應縣城池 舊城自宋嘉定間知縣賈涉始

築元至正中食院蕭成增築之甃以磚週九里

三十步廣二里二百六十步袤三里二百九十

五步東南北設門三水門三嘉靖三十五年

添西門城併小東門未竟倭突至焚掠一空三

十七年巡撫都御史李遂增築周一千四十餘

丈高二丈置門五東曰賓曦西曰利成南曰向

明北曰斗拱一曰小東門東水關一敵臺八倭

寇再犯民恃以無恐萬曆間知縣韓介塞小東

門開小南門名曰迎秀蓋挹湖水之秀以應文

象故云

泰州城池 自南唐昇元二年陞海陵縣爲泰

州以褚仁規爲刺史築羅城二十五里壕廣一丈二尺周顯德中圖練使荆罕儒營州治增子城於東北隅更築羅城合西南舊城週十里一十六步皆甃高子城一尺而厚如之即今城是也宋建炎中通判馬尚增修甃其外爲四門爲甃城高三丈二尺趾一丈面三之一浚城壕廣至五丈深一丈四尺城之南又增一壕紹興辛巳金人犯泰州城廢開禧丙寅權守趙逢始修築守翁濤何刻繼之六七年間纔甃二里餘提舉茶鹽事施宿重甃其表視舊增五之二寶慶丁亥守陳玘創開東西北外壕浚南壕通十四里面二十四丈深一丈五尺端平後守許堪別創堡城於湖蕩沮如中去城五里曰新城淳祐元年敵突至以壕深不敢近規堡城時以海陵難守有改築之議而州人安土重遷三年乃命都統王安來仍舊修浚後何舜臣復增月城四門壕池擁路及圃子外壕岸使週圍相通元末癸巳州白駒場亭民張士誠作亂據堡城仍葺舊城明洪武乙巳徐達自大江口挑河通口岸直抵州之南門灣常遇春領馬步從揚州陸路同日至士誠軍退保新城大軍入駐舊城遇春遂東築海陵鎮城屯兵絕通州糧道十月張氏兵敗遂平新城復於舊城修築留兵鎮守尋建州治城週圍二千三丈二尺高二丈七尺樓四東曰海寧西曰阜通南曰迎恩北曰迎淮月城亦建樓四南北水關二壕廣五十二丈袤二千三十餘丈爲海防要害嘉靖三十九年倭入犯

都御史唐順之行海上復城海安鎮築土城六里許爲水關三城門三曰鎮寧泰寧永安久之不復修葺漸已圯壞新城則蕪沒久矣

皇清康熙十三年知府金鎮首倡捐俸令知州戴愈率協士民重修

如阜縣城池 舊無城明嘉靖十三年知縣劉永準新作六門東曰先春西曰豐樂南曰宣化北曰北極東南曰集賢東北曰拱辰三十三年縣苦倭患邑人李鎮等建議築城都御史鄭曉奏發帑金二萬八千兩築圍城七里凡一千二百九十六丈高二丈五尺上闊五丈下闊七尺城樓四座東曰靜海西曰錢日南曰澄江北曰拱極外壕深一丈二尺廣一十五丈袤三千三百六十丈爲水關二知縣陳雍董其成萬曆二十年知縣王以蒙築四門月城二十七年知縣張星築敵臺十三座

通州城池 城周圍六里七十步陸稱之東曰天波西曰朝京南曰澄江門各有成樓西南城樓二層名海山樓城上有警鋪若干雉堞若干甕城內各有盤詰廳三間外有弔橋初周顯德四年靜海制置巡檢副使王德麟始築土城至六年復甃以陶甃既以北門地僻多盜置壯健營以鎮之宋建隆三年初設成樓政和中守郭疑塞北門改壯健營爲元武廟惟三門存焉後廢于兵寶祐中賈似道鎮兩淮增築甕城元至正十六年都元帥李天祿修之明初守禦千戶楊清姜榮相繼修築設弔橋又關三水關以

通市河弘治中知州傅錦復浚市河修水關正德壬申知州高鵬復甃三甕城嘉靖乙卯知州

程澄浚爲深壕匝以穹隆隆慶戊辰州守鄭舜臣重加修治堅厚三門外復有望江樓四一在

望仙橋南一在鹽倉壩南一在端平橋西一在戰壩東在南門者正德中知州夏邦諫建徐皆

嘉靖丁酉同知朱應雲建後殿于倭萬曆中知州林雲程修葺之而在望仙橋南者瀕江控海

尤爲要害萬曆丁酉知州王之城議築南城以望江樓爲門跨壕作二水門北抵舊城探軍山

石爲城址長七百六十餘丈高厚與舊城等然城雖甃石內填沙土霖雨易傾天啓中知州周

長應謀改築爲經久計民以爲難不果修皇清順治十七年副總兵鮑虎重修兩城砲臺角樓

康熙元年總鎮柳同春伐軍山松樹千餘株葺修隨祀前知州王廷機修築今總鎮諸通知州

王宜亨復行修葺視昔加固海門城 自明嘉靖甲寅始築周圍五里三分

高二丈五尺壕廣六尺設四門東曰太和西曰安慶南曰文明北曰阜厚各有成樓水關

皇清康熙十一年因海水衝嚙毀城一角民不能居併入通州城遂廢

揚州府關梁考一 府志 本府 江都縣附郭

鈔關 在府城挹江門明初止有商稅未有船鈔至宣德間始設鈔關權本色錢鈔則歸內庫

其收鈔有輕重差官有專攝亦有設而復罷者皇清仍舊制歲以主政一員督之康熙五年併屬驛

鹽道八年仍設關差以部員督之洛橋 水經注云廣陵城東水上有梁謂之洛橋

二十四橋 在舊城內隋置并以城門坊市爲名後韓令坤築州城分布阡陌別立橋梁遂令

二十四橋存廢莫考訪古者悵焉杜牧之寄韓判官詩青山隱隱水迢迢秋盡江南草木凋二

十四橋明月夜玉人何處教吹簫張翥寄揚州故人詩離別河邊柳條千山萬水玉人遙月

明記得相尋處城鎮東風十五橋蓋其人所居在二十四橋之半故云十五橋也

萬歲橋 亦隋置今不可考唐李益揚州送客詩南行直入鵲鵲羣萬歲橋邊一送君聞道望

鄉聽不得梅花路落嶺頭雲開明橋 在府城東北大街東西跨市河橋上有樓四面皆窻樓今廢二十四橋之一也按淮南

子八紘之外有八極東方曰東極之山曰開明之門橋有東門因以爲名俗呼開門橋

通泗橋 在府東大街東西跨市河其水通淮泗

太平橋 在府東南大街東西跨市河

新橋 在府東南大街東南跨市河明洪武七年揚州衛指揮馬於開建

廣濟橋 在舊城內元揚州總管府西跨市河上

惠民橋 在南門越城裏東西跨市河

文津橋 在府學東跨市河明弘治九年同知葉元造儲曜有記萬曆十三年巡鹽御史蔡建

文昌閣於上二十三年燬於火明年知縣張寧復之規制益宏麗爲城郭之大觀

澳河橋 在稅課司南

登瀛橋 在岳廟前

鈔關浮橋 在新城挹江門外戶部分司前明

正德七年主事陳輝重造南京吏部侍郎儲曜有記

便益橋 在鈔關明正德間主事趙錦建

洗馬橋 在馬監前

永寧橋 在東水關東西跨運河即通泰渡也一名通泰橋後廢易以浮橋通來往久之復廢

明萬曆二十四年知縣張復造

北來橋 在城東北五里明正統十三年僧如瑄募緣造

通運橋 在北倉官河西岸都理改造

月明橋 在禪智寺前今水堙橋亦圯廢唐張祐詩十里長街市井連月明橋上看神仙人

只合揚州死禪智山光好墓田

安江橋 在城東三江會口把總署之左明正德間居民王鑒造歲久傾圮萬曆二十年民王

禧王謫捐貲重造

官橋 在本鎮

火燒橋 在黃子湖

湖口橋 一名孫渡橋又名僧道橋長三十餘丈在黃子湖口

法海橋 在法海寺前明嘉靖四年揚州衛指揮火晟造

五里橋 在城西五里東西跨小壩

清平橋 在大明寺前明成化七年揚州衛指揮陳昱造高宗本有記

二里橋 在城南清涼寺北

三里橋 在城南官河東岸南北跨三里薄明

正統九年義民沈鼎造

揚子橋 在城南十五里即揚子津橋今廢

小市橋 在北水關外跨市河

迎恩橋 在北門外二里舊通舟楫明隆慶間樵吏恐漏商稅置椿木塞之萬曆二十年知府吳撤去舟楫復通今塞如故矣

槐家橋 在城北十五里南北跨槐家河唐末楊行密張神劍屯兵處

鳳凰橋 在城北三十五里明景泰二年民徐福榮等重造

通江橋 一名下閘在瓜洲鎮東西跨官河近

新橋 在瓜洲鎮南北跨官河明洪武三年社

長陸子成等造

白梢橋 在瓜洲鎮白梢門外明景泰元年工

部主事鄭靈造

石橋 寶祐志作虹霓橋在邵伯鎮美棠橋北東西跨市河

惠政橋 在邵伯鎮梵行寺東係古蹟明洪武五年重建舊謂謝安以政惠民因名

寶公橋 在邵伯鎮小壩明末樂間僧寶公募

造板橋景泰二年民徐樹榮等發覺

美棠橋 在邵伯街西東西跨運河今廢爲拖

板橋以渡

通湖橋 在邵伯鎮西通朱家湖何正茂造

儀真縣

浮橋 在大橫河

駐泊橋 在濟川門

拖板橋 在東翼城

行春橋 在東門外

壽彭橋 在盤遠亭北

玉井橋 在蓮花池南以上諸橋皆宋時造今俱廢

迎喜橋 明洪武間指揮凌寶修

望江橋 即今鼓樓橋明洪武中知縣謝文隆

建

紅橋 即今紙坊橋

八字橋 在白沙廟前

廣惠橋 即今倉橋明洪武初賈彥良修

單家橋 尚書單安仁宅

珍珠橋 在鼓樓西

澄江橋 即今天寧橋

清江開橋 在新巷西

鹽所開橋 挈鹽便商要地

廣興橋 在二壩

通津橋 即今東關浮橋主事鄭靈造後更爲

東關

永濟橋 在鹽所後通四壩五壩

飛虹橋 在三壩東

都會橋 在關聖廟右通河西

坡橋 在東南十里邑人縣丞蔣儒建

仁壽橋 在南門外壕

弘濟橋 在馬驛街西

高橋 在東南十里主簿郭宗建

萬年橋 在西三里

胥浦橋 在西十里

新濟橋 明隆慶初邑人通判王如孝建

龍門橋 在西南十里

陳寶橋 在西北四十里

清水橋 在東北三十五里

永濟橋 在新城都天祠

廣濟橋 舊名減渡邑人柳价建沙稷有記即

朱漢河處

何家港橋 在東南三十里明洪武初爲土橋

嘉靖間里人陳貴創爲石缸北通雙榆官道達

于縣南爲瓜洲京口通衢港爲要津副使趙鶴

撰記

雙橋 在東三十五里連江都界

昇仙橋 在東北十里郭輔辰建

太平橋 明洪武初單安仁建

旋鳳橋 在東北二十里

鳳凰橋 在東北四十里明洪武初知縣賈彥

良建以上諸橋今俱存

北山橋 朱郡守吳機建易石以板以備北壕

今堙

鸞江橋 在新城明洪武中單安仁建今廢

唐公橋 在南門內

響水羅汭通濟欄潮凡四閘開通爲橋

揚子津 在縣東李白詩揮策揚子津又曰漢

水東連揚子津是也

東津 在縣東南舊江口

滁河口渡 新巷口渡

潮開渡 姜家嘴渡 關廟前渡

三壇廟渡 俱在縣南

薛家渡 在縣北

新城渡 瓦廟渡 朴樹灣渡

石人頭渡 俱在縣東

花園渡 在縣西

瓜步渡 在縣西六十里唐張延賞請屬於揚

子

五馬渡 在縣西二十里舊志云晉五馬渡於

此

黃泥灘渡 在縣西南

建安渡 在縣西舊志云宋太祖斬南唐叛臣

杜著於此

泰興縣

三思橋 在縣治前

輔治橋 在縣治西俗名監橋

鎮安橋 在鎮安街市河之上上有譙樓今樓

廢改置縣治儀門前

樂善橋 在鎮安橋南

永濟橋 在樂善橋南

大義橋 在水濟橋南

隆興橋 在儒學西

書帶橋 俗名常家橋教諭荆子邁以此橋如

帶與學後筆架山相近改今名取書香不斷也

廣濟一橋

廣濟二橋 俱在通濟橋西

文明橋 在南門大街

安泰橋 在文明橋西

析津橋 在天王廟前

義寧橋 又名白公橋在義寧街

通濟橋 在析津橋北

後樂橋 在後樂山後

迎春橋 在隆興橋旁

香花橋 在廣福寺西

朱雀橋 在延祐觀門內

八字橋 在廣福寺河南

萬壽橋 在小觀前

雙橋 在伏巷西

慶雲橋 在寺西

流水橋 在寺東

板橋 在南院子巷北

通江橋 在龍王廟北

度生橋

接引橋 俱在白蓮菴前

飛虹橋 在城東隅爲舊十二景之一

濟川橋 在迎恩橋西

朝陽橋 俗名六角橋監生張瑤重修

迎恩橋 在迎恩鋪內

鎮海浮橋 卽東城門弔橋

阜成浮橋 卽西城門弔橋

澄江浮橋 卽南城門弔橋

拱極浮橋 卽北城門弔橋

通濟浮橋 卽小西門弔橋

桑木橋 一在城東門外一在城東六十里

溪橋 在城東三十里

黃橋 在黃橋鎮

永豐橋 亦在鎮內

曹董橋 有印莊巡檢司

黃古橋 在城東南三里

算子橋 在城西南二十里

黃牌橋 在城西南三十里新河口

馬橋 在城南十五里

小孫橋 在城西南七里

大孫橋 在城西南十里邑人張育寧建萬曆間陸琢倡建石橋今圯給事李開生妻張氏重修

修

西蔡家橋

南蔡家橋

高橋 在城西十里

楊三郎橋 在城西三里

泥腥橋 在城西十五里

錢家橋 在城西十里

蔡堂家橋 在城西十五里

彭家橋 在城西

沈家橋 在城西

新泰橋 在城西河邊

楊家橋 在城西十里

蔣家橋 在城西十五里

岳橋 離馬店鎮北五里

包家橋 在馬店鎮西五里

周家橋 在城西三十里舊漕米兌軍處

雙橋 在周家橋北二橋相並

馬棚橋 在口岸鎮北

慶元橋 在口岸鎮東

跨鶴橋 在口岸鎮西

樂家橋 在口岸鎮西十里

熙春橋 在口岸鎮中江流衝激明萬曆間邑令陳繼疇以巨木爲梁甃以磚石俾垂永久

伏龍橋 在口岸鎮西北五里

余大中橋 在口岸鎮西十里今坍入江

張線橋 在城西北七十里

張家橋 在城北門外

季家橋 在城北門外邑屬壇前

保生橋 在城北二十里

通泰橋 在城北二里跨觀子河

高郵州

南市橋 古名迎仙橋在州西南

中市橋 古名望仙橋在州西

北市橋 古名道仙橋俗名高公橋在州西北

道士汪重元募修

安定橋 古名南濯衣河橋在州西南跨大街

通濟橋 古名北濯衣河橋跨大街在安定橋北

長安橋 在州南

澄清橋 在州東察院旁長安橋北

躍龍橋 在儒學泮池前

鳳凰橋 在州西南乾明寺前

南倉橋 在預備倉前以上俱在城內

南甲橋 在南門外

北甲橋 在北門外

東甲橋 在東門外

石橋 在北門外

稅務橋 古名遐觀橋在稅課局前宋嘉定年造

皇清康熙六年陳應龍重修

多寶樓橋 在北門外

新橋 在多寶樓橋西

景家橋 在稅務橋西僧心白募修州民金奎

宇建亭

太平橋 古名蛤蜊壩在北門外鄉民戴伯順

等造

通湖橋 在新河堤

徐家橋 在新河堤按上二橋明崇禎四年洪水衝決青島家謂乾戊方不利州城故塞今水大復開

三里橋 在新河堤

談家橋 在三里橋東談玉音建陳心白修

富勝橋 在新橋北

公濟橋 在富勝橋北

響水橋 在左家巷內

紅橋 在北門外石橋東

昇仙橋 在鍊陽庵內

搭溝橋 在真武廟東

普濟橋 在搭溝橋西

夏家橋 在壩巷口東

廟橋 在東嶽廟前

張官橋 在廟橋西

丘家橋 在張官橋西

落仙橋 在東門外廟橋南以上俱在城外

磚橋 在城南十五里

張更生橋 在城西南三十里

夾溝橋 在城西南二十五里

朱家橋 在城西南三十里河院寺後太師港

口

鷄鳴墩橋 在城北楊家河鄉民周之圖建

橫蕩橋 距沛城四十里

閔家橋 在平阿東村民閔念春建張承位修

趙志橋 在平阿東村民趙志建王鵬修

馬橋 在州西南二十五里

高家橋 在州西南十五里以上俱西鄉

周省橋 在車邏鎮十五里

三星汪橋 在州東南十五里俗名三千萬橋

又云三仙灣橋民姚星川修舊志云每年除夜

仙人作左絞草籬於橋樁上籬之高下則其年

之水不差分寸明嘉靖三十八年其橋無籬是

年大旱有濬河者見其籬在橋樁之底隆慶二

年其籬在橋板上是年淮水逆流高于橋板尺

許亦其異也至今猶靈驗不爽云

高橋 在州東四里白塔河

香溝橋 在州東南八里

八字橋 在州東南五十里

灣子橋 在州東南二十里

流津橋 在三梁鎮即西關口也

仁義橋 在三梁鎮即東關口也以上俱在南

上河

馬寬新舊二橋 在丁志村

西門渡 在西門外通天長泗州路

張家渡 在州西南四十三里

白家渡 在州西南四十里

南門渡 在南門外一里

車邏渡 在州南十五里

義渡 在閔家橋州民楊春茂徐秀置仍置田

二十畝爲舟子工食

官溝義渡 在陸漫闡西二十里由此渡湖無

風波之險康熙元年知州吳之浚及紳衿義民

欽定古今圖書集成方輿彙編職方典

第七百五十七卷目錄

揚州府部彙考五

揚州府關梁考二

揚州府封建考

揚州府公署考

職方典第七百五十七卷

揚州府部彙考五

揚州府關梁考二

興化縣

鹽務橋 在字橋里一名高橋即東嶽廟橋

中和橋 在字橋里一名登瀛橋即八字橋東

來之水自此折而北中和末福兩橋跨之參差

如八字然

末福橋 在太平里一名長安橋

太平橋 在儲秀里一名滄浪即縣橋

崇儒橋 在文林里一名崇福今稱文林

滴水橋 在文林里西大街古名惠政知縣傳

珮塞之今廢

崇武橋 在西營一鋪一名馬橋水自惠政折

而北經此出西關今亦堙

少府橋 在迎恩里一名迎恩即城隍廟橋

羅漢橋 在昇仙里寶嚴寺前西接內隍水南

分一支入昇仙蕩



毓英橋 在毓英里一名毓秀即南門高橋

廣福橋 在通利里即東寺橋水自中和橋北

來經其下

讀書橋 在通利里即北門高橋知縣詹士龍

讀書於此

富安橋 在通濟里北門大街

玉帶橋 在中營二鋪與富安東西相望知縣

傳珮鑿玉帶河建此

寧武橋 在西營二鋪一名英武

毓水橋 在西營二鋪

南津橋 即南閘橋

濟民橋 即北閘橋

左家橋 在陽山里

通文橋 在百花洲上

濟川橋 跨海陵溪久廢

土橋 在縣北十八里楊侍郎果有記

鳳凰橋 在縣北四十里長鄉仲舍人居此

豐樂橋 在縣西河口鎮與高郵州分界處

萬善橋 在勝湖里龍珠禪院前森鑑禪師建

邑人袁繼鳳詩策杖逍遙謁上方石頭路滑不

須防衰年司馬經秋病落日垂虹飲澗長分隔

迷津思寶筏到來彼岸即慈航入門却笑青青

柳漏洩東風一兩行李國宋詩牛車真乘往來

稀法演無生有是非愁絕津梁疲此老不知岐

路幾人歸

龍古津 在城東

南津 在城南

寶應縣

嘉定橋 舊名孝仙橋在縣東跨市河唐尉遲

恭建宋嘉定間改今名明崇禎四年堤決衝頽

十一年知縣劉達重修俗呼縣橋

廣惠橋 在儒學東跨市河唐尉遲恭建明崇

禎四年堤決衝頽十一年知縣劉達重修俗呼

新橋

忠佑橋 在縣東南城隍廟前明嘉靖四年重

建知縣聞人詮撰碑記

通濟橋 又名小橋

玉帶橋 在縣西順治二年建

倉橋 在西門內順治二年建

瑞芝橋 在東門內宋元豐三年建產芝五莖

因名明隆慶三年邑人張元敬重建

愛蓮橋 在儒學西

嶽神橋 在東嶽廟南

張仙廟橋 在張仙廟左

便民橋 在東門外俗呼民便橋元末廢明啓

禎間重建

通海橋 舊名遺愛橋在北門外邑屬壇西明

萬曆四十三年重建

鐵橋 在北門外邑屬壇東

五里橋 在縣五里汜光湖口

老和尚橋 在七里溝

潘家大橋 在瓦溝溪

扛橋 在界首北

智者橋 在汜水農夫朱國卿者年七十無子

畫出所積白金建橋喬侍讀名之曰智者橋

白田渡 在南門渡口巷西

三里渡 在縣北三里

白馬渡 在白馬湖邊

黃浦渡 在黃浦鎮

黎城渡 在黎城鎮

槐樓渡 在槐樓鎮

蔣家渡 在縣西十五里

晏村渡 在縣西南七十里

五里涇渡 在黎城之西南

秦州

迎恩橋 在南門內大街

豐利橋 跨市河南水門入第一橋也自南村

負草來鬻者多聚於此俗呼高草橋舊名募春

宋淳熙三年建近圯省祭夏時雨募修

登仙橋 宋乾道元年建南水門入第二橋

樂真橋 宋淳熙十二年守萬鍾建嘉定七年

守李洪重建南水門入第三橋

嘉定橋 在街心宋紹興十年王守創開東西

市河建此嘉定七年修以年號名明洪武七年

守張遇林重修舊名日中橋俗名八字橋又名

小市橋

太平橋 宋淳熙十一年守萬鍾建嘉定十一

年李駿重建又圯明洪武三年守張遇林建南

水門入第四橋也以近稅務俗呼稅務橋

泰寧橋 宋淳熙十一年守萬鍾建嘉定十一

年李駿重建南水門入第五橋也

王家橋 係板橋舊志不載

迎淮橋 在北門內今名且樂橋俗呼姐姐橋

以上諸橋皆跨市河

北水關板橋 舊志不載

太和橋 卽今州橋以近州故名或云上下有

閘名遇橋或云周孟陽建名周橋

鳳凰橋 在州治南跨長堤舊貢院前今廢

度僧橋 在南山寺西今存小碑橋

天寧橋 在光孝寺東宋嘉定十三年守李駿

建寺舊名天寧故名

伏龍橋 在州治西南舊傳宋太祖從周世宗

兵至泰避難橋下及太祖受禪遂名今惟片石

三思橋 以近州令訟者至是三思而行故名

今爲溝

嘉慶橋 以橋成於嘉定寶慶之間而名淳祐

元年守陳垓修今改爲板橋

經武橋 宋嘉定十三年守李駿開新河創教

場建

金蘭橋 跨太子港上以易斷金如蘭之義名

之

利名橋 宋淳熙十二年守萬鍾建明洪武二

年守張遇林重修又名泰寧

小橋 跨東市河

又小橋

如阜縣

宣化橋 在縣治南舊名閘橋邑人劉士茂捐

修

惠政橋 在縣後東西各一

通江橋 在縣東

迎春橋 在縣東

安定橋 在縣東南

集賢橋 在儒學東

雲路橋 在儒學左右各一

楊家橋 在縣東南

豐樂橋 在縣西

謝恩橋 在縣西

德義橋 在縣西北鄉者陳元復重修

霞山橋 在縣西北

紅橋 在觀音堂左右各一

慶裕橋 在北門外

玉帶橋 在城東歲久圯邑紳矜宗範鄧士英

等捐貲修建

西門外弔橋

通濟橋 在東門外

盧家壩橋 在縣東七里

林梓橋 在縣東五十里

通濟橋 在縣東四十里丁堰

隆興橋 在丁堰西舊名鬼橋

登津橋 在縣東六十里白蒲

仁和橋 在縣東九十里馬塘

迎恩橋 在馬塘

嘉定橋 在馬塘東

豐利橋 在縣東七十里

卞家橋 在縣東七十里

求豐橋

永寧橋 魚骨橋 安橋

歐家橋 以上七橋俱在豐利

磚橋 在縣東一百三十里掘港

東賓橋 在掘港

漢陵橋 在縣西三里

鎮安橋 在縣西南二十里十九都

寄子橋 在縣西一里

倉橋 在縣西潘涇舊爲便民倉今爲倉池

境南橋

菖蒲澁橋 在縣西九里

楊花池橋 在縣南十八里

宋家橋 在縣南十九里

大名河橋 在縣南三十里

王莊橋 在縣南八十里

沿江馬橋

立發橋 在縣北三十里

惠民橋 在西場鎮

通州

平濟橋 在州治前宋太平興國間郡人劉義

等造明正統間郡人陳敏構亭其上萬曆四年

知州林雲程易石

皇清康熙九年知州王廷機重建

中正橋 在察院左唐總章二年郡人張景芳

造

文武橋 近儒學與守禦所旁有大聖廟俗又

名大聖橋宋淳熙八年郡人王覺壽造

崔家橋 在錦繡巷口宋建炎間郡人崔敦熙

造

天津橋 在學前一名泮宮橋郡人張元芳重

建

樂家橋 在大聖廟北

丁家橋 在樂家橋北皆東西跨河

元武橋 俗名五鋪橋

印虎橋 在元武橋東北

印龍橋 在印虎橋東一曰浴豐以河塞廢

市橋 在平濟橋西

虹橋 在市橋西宋開慶元年郡人姚亮等造

展龍橋 在虹橋西

玉帶橋 在展龍橋南明洪武中造

鳳凰橋 在玉帶橋南

小石橋 在寺街後

拱辰橋 在小石橋北明隆慶二年指揮秦鵬

建

黃家壩橋 在拱辰橋西北

通聖橋 在東水關內

通賢橋 在學前

通天橋 在西水關內

東水關橋

西水關橋 俱在城外

通濟橋 卽南門弔橋元至元中郡人周茂等

建明天啓元年郡人陳實功易名

望仙橋 在通濟橋南元至正六年郡人趙公

造明成化中兵部員外徐宗重建

鎮瀾橋 在東嶽廟前

江家橋

馬家橋 俱在興化寺東

避風港橋

衆安橋 在望江樓外明萬曆四年知州林雲

程重建

澗橋 在望江樓外一里明洪武中郡人沈萬

三造天啓四年陳實功易石

段家橋 在望江樓外二里

永豐橋 在望江樓外三里

白塘橋 在城東三里俱陳實功重建

三元橋 在東門外明崇禎中郡人張元芳建

龍津橋 在崇川書院前明正統中知州孫微

構木爲之成化中知州鄭重易石舊名龍王廟

橋判官史立模改今名

石磊橋 在龍津橋右又名迎春明正統中知

州孫微造

板橋 在城東

永慶橋 郡人徐文耀造

高橋 二橋俱在城北

端平橋 在西門外郡人王覺壽等造明正統

中知州劉復孫微相繼重修

積善橋 一名起鳳又名豐樂明天順中郡人

崔廣造成化中陳昂易石

鐵錢橋 石有錢紋今廢

永興橋

灣橋 郡人顧能造

延慶橋

便民橋 興濟橋

通濟橋 在白蒲鎮落成之日龍見於河又名見龍

天生港橋 在西鄉

魚骨橋 在餘中

拱聖橋 飛龍橋 米市橋

太平橋 俱在石港

太平橋 在西亭土人楊彬造

平政橋 澄清橋 川上橋

龍門橋 俱在海門

揚州府封建考 通志府志合載

漢

淮南王 英布高祖四年秋七月封

荆王 賈高祖從兄六年春正月封以淮東五

十三縣

淮南厲王 長高祖子十一年秋淮南王英布

反擊殺荆王賈遂立長為淮南王兼有衡山郡

地後遷死按通鑑衡山去六安西南九十里

淮南王 安長子文帝六年冬十月淮南長謀

反廢徙蜀道死十六年封長子阜陵侯為淮南

王

淮南王 喜城陽王章子文帝封後仍徙城陽

江都易王 非景帝子前二年封汝南王吳楚

反討平之徙王江都治故吳國子建嗣元符間

反自殺國除

廣陵厲王 胥武帝子元符元年淮南王安謀

反自殺六年夏立胥為廣陵王宣帝五鳳四年

廣陵王胥有罪自殺國除元帝初元二年復立

胥子霸為廣陵王

廣陵王 子荆光武建武十四年封永平十年

荆有罪自殺封荆子元壽為廣陵王

晉

淮南王 允武帝太康十年冬十一月立皇太

子允為淮南王都督揚江二州諸軍事

廣陵王 通淮南王允子武帝孫後惠帝立為

太子

宋

淮南王 子孟武帝大明三年竟陵王誕反廣

陵伏誅立子子孟為淮南王

陳

淮南王 叔彪高宗太建八年封

後魏

廣陵王 羽孝文帝弟太和元年封羽薨子恭

嗣建明二年爾朱世隆立廣陵王恭為帝

北齊

淮南王 仁光武帝子河清二年封

宋

廣陵郡王 元徽太宗子太平興國二年封

廣陵郡莊孝王 宗諒漢王允讓子

廣陵郡康簡王 德雍魏王廷美子

元

鎮南王 脫歡世祖子至元二十一年封

鎮南王 帖木兒不花泰定帝泰定三年封鎮

揚州子字羅不花襲

明

揚王 陳恭外戚太祖洪武元年追封

揚州府公署考

本府 江都縣附郭

府志

府治 先在開明橋西駱駝嶺明洪武三年知

府周原福移建通泗橋西北天順間知府王恕

成化間知府郭舉弘治間知府王鏊正德間知

府孫祿相繼修拓中為正堂堂後為川堂東西

軍器庫大積庫兩廊列吏廨中當甬道立戒石

亭前為儀門左為鑾駕庫右為土地祠儀門外

為二門左為理刑廳今裁署存廳南為清書堂

二門右南為司獄司前為大門川堂之後為知

府宅西為庫官宅吏舍陰陽學之左有縣官廳

東南隅有衛官廳街東西各有門構樓其上東

曰望海西曰奠江置鐘鼓於二樓上申明旌善

亭俱在府治東

清軍同知署 在府治街南

江防同知署 在府治左

管河通判署 在府治右

督糧通判署 在管河廳相近

江防同知分署 別建瓜洲
經歷署 在管河廳前
檢校署 在經歷署相近
照磨署 在檢校署相近
督撫都察院 在府西南
海防道 在府東南
鹽法察院 在開明橋東南
兩淮鹽運使司 在大東門外
遊擊府 在教場西
戶部分司衙門 在鈔關內
廣恤所 在府治西
盤詰廳 在各城門內
稅課司 在南門內
瓜洲稅課司 在本鎮通江橋西
陰陽學 在府治大門左
醫學 在府治大門右
僧綱司 在天寧寺
道紀司 在明真觀
軍儲倉 在府治東
義倉 在廣儲門
江都縣治 舊在城慶年坊宋建炎後徙桂枝坊元徙治北關外明徙儒林坊洪武七年知縣盛惟中建正統七年知縣陳驥成化十年知縣陸愈先後重修堂後爲知縣署
縣丞署 在正堂東
主簿署 在正堂西
典史署 在主簿署西

東察院 在府治左
西察院 在府治右
漕儲道 在瓜洲鎮
軹廠公館 在瓜洲鎮
甘泉新署 在甘泉鎮
邵伯巡檢司 在縣北四十五里
瓜洲巡檢司 在縣南四十里
萬壽巡檢司 在縣東四十里
上官巡檢司 在縣西六十里
預備倉 六處一在西門內一在邵伯鎮一在宜陵鎮一在豐樂鄉一在揚子橋一在大橋鎮
便民倉 在便益門外
養濟院 在北門外
外州縣
儀真縣治 在城內西北隅即宋真州治也明洪武二年改州爲縣知縣賈彥良因州治舊址建永樂中知縣王愷正德中知縣楊文俊嘉靖初知縣熊彰隆慶初知縣申嘉瑞相繼修拓
皇清知縣童欽承胡崇倫再修堂後爲知縣宅
縣丞署 在正堂東
主簿署 今廢
典史署 在舊主簿署前
漕撫行臺 在縣東南今廢
察院 一在縣東儒學右一在城隍廟東明萬曆間知縣唐邦佐復建二所於資福寺左
鹽法公館
舊江口巡檢司 在縣東南十里

稅課局 在縣南一里
清江開闢官廳 在縣東南二里
陰陽學 醫學
僧會司 道會司 俱在縣治相近
廣實倉 在澄江橋東
預備倉 在縣東一里
泰興縣治 南唐時建於柴墟宋乾德後徙今城在東北隅明洪武二年知縣呂秉直改建天順八年縣丞張淮重葺堂後爲知縣宅
縣丞署 在正堂東今官裁署廢
主簿署 在正堂西今官裁署廢
典史署 在正堂東南
察院 在縣東
公館 在縣西
口岸鎮察院 在跨鶴橋北名柴墟館
口岸巡檢司 在城西四十五里
黃橋巡檢司 在城東四十五里
印莊巡檢司 在童橋鎮
陰陽學 醫學 俱在縣治相近
僧會司 在慶雲寺
道會司 在延祐觀
預備倉 在儒學東北
兌軍倉 在周家橋
高郵州治 明洪武元年知州黃克明建正統後知州韓簡謝在李襲芳先後修拓堂後爲知州宅
州同知署 在正堂東

州判署 在州同署前
管鹽判官署 在正堂西今裁

吏目署 在州判署前

東察院 在州治前

西察院 在州治西

工部分司 在州治中市橋西

府館 在中市橋北

泰郵公館 在孟城驛

時堡巡檢司 在州東北百二十里

陰陽學 醫學

僧正司 道正司 俱在州治相近

廣儲倉 在高公橋北

預備倉 在市河西有東西南北四倉

兌軍倉 在北門外

興化縣治 在城北隅明洪武元年知縣徐士誠建嘉靖間知縣陳洪範胡順華增修堂後為

景范堂北為知縣宅

縣丞署 主簿署

典史署 俱分別堂之東西今主簿裁署廢

察院 在縣治東

府公館 在察院東

稅課局 河泊所 今俱廢

安豐巡檢司 在縣東北六十里

陰陽學 醫學

僧會司 道會司

寶應縣治 明洪武十一年知縣劉維則建嘉靖中知縣聞人詮馬仲芳蔣遵正李續陳可大

相繼修建縣署在堂北

縣丞署 主簿署

典史署 俱分別堂之東西

察院 在縣東

工部分司 在槐樓鎮

府公館

南湖館 在南門外

北城館 在北門外

河泊所 在東門外

槐樓巡檢司 在縣南二十里

衡陽巡檢司 在縣西南一百二十里

陰陽學 醫學

僧會司 道會司

預備倉 在縣治西

泰州治 在城東北隅明洪武三年知州張遇林即古海陵縣基建景泰間知州劉綸成化間

知州陳志先後修棚知州宅在堂東北

州同知署 在堂之西北

州判署 在堂西

吏目署 在堂東

巡撫察院 在州治東

海防兵備道 在州治南

東察院 在州治東南

府公館 在州治南

稅課局 在州西南

河泊所 在北門

海安巡檢司 在州南一百里

西溪巡檢司 在州東一百二十里

寧鄉巡檢司 在州北六十里

陰陽學 醫學

僧正司 道正司

如阜縣治 明洪武元年知縣宗行簡建正統間知縣曹立弘治間知縣劉文龍相繼修葺知

縣宅在堂北

縣丞署 在堂東

典史署 在堂西

察院 在縣治東

府館 在縣治西

石莊巡檢司 在縣南六十里

掘港巡檢司 在縣東一百三十里

西場巡檢司 在縣北三十里

通州治 明洪武元年知州熊春建正統後知州孫徵徐澤傳錦蔣孔暘夏邦謨鄭舜臣屈希

尹林雲程先後修葺堂北為知州宅

州同知署 在正堂東今裁廢

州判署 在正堂西

吏目署 在正堂稍南

察院 在州治東

石港場察院

海防道署 在察院西

河泊所 在南門外

公館 在西門外

稅課局 在南門內

狼山巡檢司 在白蒲鎮

石港巡檢司 在石港場

陰陽學 醫學

僧正司 道正司

通濟倉 在察院東

欽定古今圖書集成方輿彙編職方典

第七百五十八卷目錄

揚州府部彙考六

揚州府學校考

書院社學附

揚州府戶口考

職方典第七百五十八卷

揚州府部彙考六

揚州府學校考

書院社學附

府縣志合載

本府

江都縣附郭

揚州府儒學

在府後儒林坊明洪武中知府

周原福即舊規重建正統間知府韓宏建更衣

采芹二亭天順八年御史張黼成化間知府鄭

岑先後修葺嘉靖四年燬於火知府易瓚重建

八年知府韓文鏡先後重修

皇清康熙十九年巡鹽御史中山郝浴捐修有碑記

知府崔華有募修學宮文教授秦鉅倫朱虹訓

導丁德明先後募修

維揚書院 在府西門內

安定書院 在府治東北三元坊

甘泉書院 在府廣儲門外

江都縣儒學 宋以前無考紹興間建州學以

縣學附焉元亦止立府學明洪武七年始分設

知縣宋啓建于縣北開明橋西駱駝嶺上成化

六年知府鄭岑創講堂五楹七年巡按董輶建大成殿知府周源創建明倫堂及正心誠意二齋嘉靖十一年知府吳桂芳復改講堂為尊經閣

皇清康熙九年教諭吳伯琮捐修康熙十九年巡鹽

御史中山郝浴捐修康熙二十二年教諭許維

樞訓導汪和中重修尊經閣文峰閣費門外週

以圍牆東西設立圍門為玉帶巷

安石書院 在縣邵伯鎮

五賢書院 在縣瓜洲城北

社學 宋嘉泰二年教授喬行簡建堂曰養正

設兩序東曰上達西曰幼儀明初詔置社學延

師儒以教民間子弟之俊秀者萬曆崇禎間兵

備道熊尚文鄭二陽先後修設

皇清康熙元年奉

旨置學知府金鎮復議修學延儒焉

外州縣

儀真縣儒學 宋仁宗慶曆四年始建學官于

軍城長樂坊在城內西南隅後遷城東門內列

十齋皆南向東曰安德務德象德耀德德西

曰上德觀德建德成德果德後以果德為武學

上德為縣學大成殿北有堂曰麗澤曰議道有

閣曰稽古學東有鄉射堂靖康兵火一礎不存

紹興七年郡守張好古請城南樞貨務廢屋二

十楹復建十八年知州洪興祖重修二十九年

郡博汪彥中上議于郡守董將復還舊址隆興

二年復燬于兵乾道三年知州張郛名講堂曰

由聖立四齋曰率性正心誠身克己堂後為直舍舍後開軒以麗澤舊名扁之紹熙三年運判趙師彝郡守趙預創門屋五楹并三大門立御

碑亭于泮橋外以大成殿額漫漶乃易書五

年知州韓樞梵講堂兩廡繪三禮之制于壁復

葺舊射圃開膳內寅金人犯真城咸羅拜殿廡

下故學宇得獨存嘉定五年教授尤森建廳事

九年郡守李道傳繪濂溪明道伊川晦庵四先

生像建堂于講堂右十年知州事豐有俊創小

學于東廡之東郡博士陳京創五廡以仁義禮

智信為次勒養士歲入之額于石計歲所入可

贍四百人十二年教授楊焯繼之自開禧兵火

祭器典籍之屬蕩然至是購書籍治祭器稍復

其舊十四年運判兼知州事吳機捐郡幣三千

緡屬博士陳臨重修于是增築內牆重蓋大成

殿黼黻像貌易外門新之建由禮亭於門側俾

諸生出入官帶如大學然咸淳五年知州事呂

師龍重修學舍增廣生徒置學田益庫廩几榻

之屬靡不悉具元泰定二年知州張震新廟學

廣教養鑄祭器以飾祀事至正末河南兵起江

淮騷亂乃遷祭器寄潤州學遂為彼有今祇遺

樽罍數事製極精工咸有職官名氏與今器不

類明洪武二年四月罷州學改儀真縣學二十

七年知縣劉文剛重建大成殿飾

先聖像始建戟門并文昌祠創學舍于明倫堂西

三十年知縣康彥民重建兩廡神廚庫末樂元

年知縣李昇徙大成門正統九年重建講堂齋舍明年復建尊經閣於講堂後十三年知縣孫禮重修講堂齋廡大成殿櫺星門泮池石橋明倫堂射圃觀德亭倉庫神廚牲所文昌集賢諸祠改時習啓蒙齋爲進德育材天順元年知府王恕同知蔡堅劉蘭知縣王士謙重修成化十三年教諭彭道蒔植松槐森蔭堂廡嘉靖元年知縣李文瀚建會儀堂三間於明倫堂東二年重修櫺星門及宮牆諸圯敗者立科第題名碑記四年巡按御史李東毀元妙觀以其地界入學基巡鹽御史張珩亦撤文昌祠改祠名宦鄉賢六年鹽法御史雷應龍毀諸淫祠像知縣周寵以其銅造祭器七年鹽法御史李佶未廷立相繼捐帑贖重修學廟工部分司主事戴鯨特倡議改建遂請於漕撫都院唐龍令知縣王倬督遷明倫堂於

文廟右建尊經閣於廟後規制愈宏九年易像爲木主十一年奉詔立敬一箴亭并五箴註勒石

亭在尊經閣前凡七碑十二年教諭王鑾知縣艾夔請於督學御史聞人詮發公議建講堂五楹并教諭正衙于明倫堂後十三年縣丞楊廷獻奉制建啓聖祠于廟東二十六年知縣雷亨復改建明倫堂于廟後遷儒學門于櫺星門之東四十二年知縣沈喬楠以諸生議請于撫按兩院諸監司共得公帑二千緡及鄉宦生員諸國子生合捐貲若干復遷廟及明倫堂尊經閣於舊址櫺星戟門廡舍悉從改築更進德齋爲

居仁育材齋爲由義儒學門內爲省牲所稍北爲啓聖祠次爲敬一亭又北爲名宦祠爲鄉賢祠改教諭衙於廟廡西凡三重南向次爲兩訓導衙制如教諭俱面南隆慶元年知縣中嘉瑞重葺泮池于櫺星門外改橋門度泮池西地百步餘爲射圃泮東地百步餘建青雲樓四楹前爲堂三間面鑿橫沼方廣約十二丈萬曆乙酉遷學宮於資福寺即大雄殿爲大成殿仍其前巨浸爲泮池樹櫺星門于泮池內殿後建明倫堂堂後建尊經閣東偏南爲教諭衙稍北建啓聖祠西偏南爲訓導衙二稍北建名宦鄉賢祠各一儒學門在櫺星門左青雲樓又在儒學門左東引淮水入泮造石橋跨之其門斗房宇亦以僧舍相換二十六年知縣蘇守一重修移廟向稍東造柵欄于屏牆外建東西二坊曰騰蛟曰起鳳學後培土山四十年知縣歐陽照修學宮建文昌閣于翼方扁曰奎光天啓三年知縣牛翀元修儒學改建坊名曰金聲玉振

皇清順治九年春揚州江防同知李淮教諭左國林率諸生捐貲重修十年兩淮運副朱懋文捐諸商公費重修明倫堂知縣牟文龍以提學僉事張能麟徵修學宮葺居仁由義二齋康熙四年知縣胡崇倫訓導丁亮重建居仁齋并葺明倫堂五年教諭舒文燦捐貲築宮垣二百餘丈葺大成殿暨兩廡戟門增教諭衙左輔屋三間宮牆內外遍植桃李柳數百餘株六年教諭文燦建啓聖祠于敬一亭故址是年冬十一月巡鹽

御史寧爾講捐俸一百兩暨教諭舒文燦合捐俸重建東廡新櫺星門并儒學大門二十三年邑紳許松齡監生吳愛同捐貲重建明倫堂五間重修居仁由義二齋二十八年重建大殿五間三十二年知縣馬章玉捐貲重修奎光樓三層

學田 明隆慶元年知縣申嘉瑞置城內小教場田地城外濠水田每年租銀四十四兩一錢九釐五毫二絲徵于佃戶貯縣庫聽候督學支給生員公費此後又有新置田四處本學付佃收租西門外五十畝北門外十四畝五里鋪三十畝舊江口一百二畝至今仍存
泰興縣儒學 在縣治東踰隆興橋西臨小河即舊城河也始不可考宋紹興間重建元季火于兵明洪武二年呂令秉直建永樂間王令政修正統間典史周略教諭祝敬修建明倫堂及戟門兩廡後主簿盧昱柯彬典史丁全教諭陳經珠石堯橋邑令林翹修櫺星門隆令琦築兩垣縣丞潘鎮鄧部丞李紱相繼買地建學門及教諭訓導宅于戟門之東正德間邑令鄭浙鼎新之北徙大成殿距櫺星門二十丈許兩旁爲祭器庫翼以兩廡前爲戟門戟門之東西爲名宦鄉賢二祠祠前爲碑亭亭南爲泮池池有三橋大成殿後爲明倫堂堂左右二齋東曰潛心西曰養正堂北爲射圃後爲土山明倫堂後爲會饌堂今廢嘉靖八年頒御製敬一箴署教事泰州通判汪瑛建敬一亭于會饌堂後九年改大